



# Icyegeranyo cy'amakuru y'imikino yaranze icyumweru

2024

Taliki 01-04 Gashyantare



P.1 Sitting Volleyball : Ikipe y'u Rwanda yabonye itike y'imikino Paralempike 2024

## Ijambo ry'ibarange

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'l'mikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

## Ibirimo

P1 **Sitting Volleyball**: Ikipe y'u Rwanda yabonye itike y'imikino Paralempike 2024

P2 **Athletics**: Mutabazi yegukanye umudali wa Bronze muri Djibouti

P2 **Football**: Habaye imikino y'umunsi wa 19 ya shampiyona

P3 **Football**: Habaye amahugurwa y'abazasifura icyiciro cya 3 mu bagabo n'abagore

P3 **Goalball**: Musanze na Rwamagana zegukanye igikombe cy'Intwari

P4 **Football**: Police FC na AS Kigali zegukanye igikombe cy'Intwari 2024

P5 **Karate**: Habaye ku nshuro ya mbere irushanwary'abakanyujijeho

# Sitting Volleyball : Ikipe y'u Rwanda yabonye itike y'imikino Paralempike 2024

Taliki 29 Mutarama kugeza O3 Gashyantare 2024, i Lagos muri Nigeria habereye imikino y'Afurika mu mukino wa Volleyball y'abantu bafite ubumuga "Africa Zone Sitting Volleyball Championship 2024".

Iyi mikino yari igamije gushaka itike y'imikino Paralempike izabera i Paris mu Bufaranda muri 2024 yitabiriwe n'amakipe 3 mu bagore ari yo Nigeria, u Rwanda na Kenya naho mu bagabo hitabira amakipe 5 ari yo Nigeria, Misiri, u Rwanda, Algeria na Maroc.

Ikipe y'u Rwanda mu bagore yegukanye igikombe itsinze Kenya amaseti 3-0 (25-12, 25-14 na 25-21) ihita inakatisha itike yo kuzaserukira Afurika mu mikino Paralempike izabera i Paris mu Bufaransa kuva taliki 28 Kanama kugeza O8 Nzeri 2024.

Iyi kipe y'u Rwanda akaba ari inshuro ya 3 yikurikiranya igiye guserukira Afurika nyuma y'imikino Paralempike 2016 na 2020.

Mu bagabo, ikipe ya Misiri ni yo yegukanye igikombe itsinze ku mukino wa nyuma Maroc amaseti 3-0 (25-13, 25-11 na 25-16). Iyi kipe na yo yabonye itike yo kuzaserukira Afurika mu mikino Paralempike 2024.

## Uko imikino yagenze

### Abagore

- Rwanda 3-0 Nigeria (25-06, 25-04 & 25-09)
- Rwanda 3-0 Kenya (25-12, 25-10 & 25-17)
- Rwanda 3-0 Kenya (25-19, 25-12 & 25-14)
- Rwanda 3-0 Nigeria (25-08, 25-09 & 25-08)

### Final

- Rwanda 3-0 Kenya (25-12, 25-14 & 25-21)

## Uko amakipe yakurikiranye

1. Rwanda
2. Kenya
3. Nigeria

### Abagabo

- Rwanda 3-0 Algeria (25-13, 25-20 & 25-11)
- Rwanda 3-0 Libya (25-09, 25-10 & 25-13)

### Semi Final

- Maroc 3-2 Rwanda (23-25, 25-21, 19-25, 25-22 & 15-10)

### 3rd Place

- Rwanda 3-0 Algeria (25-18, 25-12 & 25-16)

### Final

- Misiri 3-0 Maroc (25-13, 25-11 & 25-16)

## Uko amakipe yakurikiranye

1. Misiri
2. Maroc
3. Rwanda
4. Algeria
5. Nigeria



## Athletics : Mutabazi yegukanye umudali wa Bronze muri Djibouti

Taliki 02 Gashyantare 2024 muri Djibouti habereye irushanwa mpuzamahanga ryo gusiganwa ku maguru "Djibouti International Half Marathon 2024".

Iri rushanwa ryari ribaye kunshuro ya 23, umukinnyi w'Umunyarwanda mu cyiciro cy'abagabo, Mutabazi Emmanuel yitwaye neza yegukana umudali wa Bronze aho muri kilometero 21 yakoresheje isaha 1, iminota 3 n'amasegonda 6. Irushanwa muri rusange ryegukanwe na Mohamed Ismail ukomoka muri Djibouti wakoresheje isaha 1, iminota 2 n'amasegonda 27 naho ku mwanya wa kabiri haza Aden Waberi nawe ukomoka muri Djibouti akaba yarakoresheje isaha 1, iminota 2 n'amasegonda 30.



## Football : Habaye imikino y'umunsi wa 19 ya shampiyona

Taliki 02, 03 na 04 Gashyantare 2024 habaye imikino y'umunsi wa 19 wa shampiyona y'icyiciro cya mbere mu mupira w'amaguru mu bagabo. Bitezanyijwe ko imikino y'umunsi wa 20 izaba taliki 09, 10 na 11 Gashyantare 2024.

### Uko imikino yagenze

#### Taliki 02-02-2024

- AS Kigali 1-0 Gorilla FC

#### Taliki 03-02-2024


- Kiyovu 1-1 Mukura
- Etoile de l'Est FC 0-2 Mukura
- Bugesera FC 0-2 Sunrise FC

#### Taliki 04-02-2024

- Police FC 1-1 Etincelles FC
- Musanze FC 1-3 APR FC
- Muhazi United 1-2 Amagaju FC
- Rayon Sports 2-0 Marines FC

**Matchday 19**

POS	CLUB	PG	GD	PTS
1	<b>APR</b>	17	+17	<b>39</b>
2	<b>RAYON SPORTS</b>	18	+12	<b>33</b>
3	<b>MUSANZE</b>	18	+9	<b>33</b>
4	<b>POLICE</b>	18	+9	<b>32</b>
5	<b>MUKURA</b>	18	+4	<b>30</b>
6	<b>AS KIGALI</b>	19	-2	<b>25</b>
7	<b>KIYOVU</b>	19	-1	<b>24</b>
8	<b>SUNRISE</b>	18	-2	<b>24</b>
9	<b>AMAGAJU</b>	18	-1	<b>23</b>
10	<b>GASOGI UNITED</b>	19	-3	<b>23</b>
11	<b>MUHAZI UNITED</b>	19	-3	<b>23</b>
12	<b>MARINE</b>	18	-6	<b>21</b>
13	<b>GORILLA</b>	19	-6	<b>21</b>
14	<b>ETINCELLES</b>	19	-10	<b>19</b>
15	<b>BUGESERA</b>	19	0	<b>17</b>
16	<b>ETOILE DE L'EST</b>	18	-17	<b>12</b>



@rwanda.premier.league X rwandaLeague YouTube rwanda premier league



## Football: Habaye amahugurwa y'abazasifura icyiciro cya 3

Taliki O4 Gashyantare 2024 muri Hilltop Hotel i Remera hasorejwe amahugurwa y'iminsi 6 y'abasifuzi 60.

Aya mahugurwa yari agamije gutegura abasifura bazasifura imikino ya shampiyona y'icyiciro cya 3 mu bagabo n'abagore.

Aba basifuzi batoranyijwe mu basifuzi 350 bahuguwe ku bufatanye bw'ishyirahamwe ry'umupira w'amaguru mu Rwanda "FERWAFA" n'ishyirahamwe ry'imikino mu mashuri "FRSS".

Aba basifuzi bahuguwe n'abrimu batandukanye barimo Ntagungira Celestin Abega, Sekamana Abdoul Khalim, Kayijuka Gaspard, Rurangirwa Aaron, Ndagiijima Theogene, Itangishatse Ignace na Hakizimana Louis, umuyobazi wa Komisiyo y'imsifurire muri FERWAFA.

Abandi bafashije mu guhugura abasifuzi mu bijyanye no kubongerera inbaraga ni Yadufashije Jeaninne, Kagabo Ahmed, Hakizimana Abdou na Ingabire Jean Paul.



## Goalball : Musanze na Rwamagana zegukanye igikombe cy'Intwari

Taliki O3 Gashyantare 2024 ku kibuga cya Basketball gihereye Kimironko habereye irushanwa ryo kwizihiza umuni w'Intwari "Goalball Heroes Tournament 2024". Ikipe ya Musanze mu bagore na Rwamagana mu bagabo ni zo zegukanya igikombe.

Iri rushanwa ryitabiriwe n'amakipe yasoreje mu myanya ine ya mbere mu bagabo n'abagore, mu mwaka w'imikino ushize wa 2023.

Mu bagore, muri  $\frac{1}{2}$ , ikipe ya Musanze yatsinze Rwamagana ibitego 5-4 naho Ngororero itsinda Rubavu ibitego 3-2. Ku mukino wa nyuma, ikipe ya Musanze yatsinze Ngororero ibitego 4-2 naho Rubavu yegukana umwanya wa gatatu itsinze Rwamagana ibitego 4-3.

Mu bagabo, Gisagara yatsinze Musanze ibitego 3-1 naho Rwamagana itsinda Ngororero ibitego 5-1. Ku mukino wa nyuma Rwamagana yitwaye neza yegukanye igikombe itsinze Gisagara ibitego 5-4. Umwanya wa gatatu watwawe na Ngororero yatsinze Musanze ibitego 5-4.



## Football : Police FC na AS Kigali zegukanye igikombe cy'Intwari 2024

Taliki 28 Mutarama kugeza 01 Gashyanyare 2024, ishyirahamwere ry'umupira w'amaguru mu Rwanda "EFRWAF" ku bufatanye n' Urwego rushinzwe Intwari z'ighugu, Imdari n'ilmpeta by'ishimwe "CHENO" habaye irushanwa ry'igikombe cy'Intwari "Heroes Cup 2024".

Ikiye ya Police FC mu bagabo yegukanye igikombe itsinze APR FC ibitego 2-1 naho AS Kigali mu bagore yegukana igikombe itsinze Rayon Sports igitego 1-0.

Mu bagabo, Police FC yegukanye igikombe yahawe miliyoni 6 z'amafaranga y'u Rwanda, APR FC ihabwa miliyoni 3. Mu bagore AS Kigali yegukanye igikombe yahawe miliyoni 4 naho Rayon Sports ihabwa miliyoni 2.

### Uko imikino yagenze

**Taliki 28-01-2024**

- APR FC 1-1 Musanze FC (4-2)
- Police FC 1-1 Rayon Sports (4-3)
- 

**Taliki 01-02-2024**

### Final

- Police FC 2-1 APR FC
- AS Kigali 1-0 Rayon Sports



## Karate : Habaye ku nshuro ya mbere irushanwary'abakanyujijeho

Taliki O3 Gashyantare 2024, ahahoze Sports View Hotel i Remera habereye ku nshuro ya mbere irushanwary'abakanyujijeho mu mukino wa Karate "The Legends Karate Open Competition 2024".

Iri rushanwa ryatetegwe na na "The Champions Sports Academy", "Kigali Elite Sports Academy (KESA)" ku bufatanye n'ishyirahamwe ry'umukino wa Karate mu Rwanda "FERWAKA"

Iri rushanwa ryitabiriwe n'abakinnye umukino wa Karate barimo Minisitiri w'Ubucuruzi n'Inganda, Dr. Ngabitsinze Jean Chrysostome usanzwe , Shihan Sinzi Tharcisse, Sensei Master Rugeyo Rutingwa, Sensei Karamaga Barnabé n'abandi .

Abitabiriye irushanwa bahatanye mu kwiyereka "Kata" mu bagabo bari hagati y'imyaka 35 na 45 ahatsinze Niragire Samuel ukinira Mamaru Karate Do akurikirwa na Bugabo Amir wa Zen Karate Do naho Rwiyamirira ukinira Hero Karate Club aba uwa gatatu.

Mu kurwana "Kumite" mu bagore , Uwimpuhwe Grace ukinira Hero Karate Club akurikirwa na Irakoze Aline, Umulisa Yvette na Ishimwe Brigitte bose bakinira Flying Eagles.

Mu cyiciro cy'abagabo bari hejuru y'ibilo 67 hatsinze Niyiitanga Halifa, akurikirwa na Udahemuka Bertin na Kagimbi Paul bose bakinira The Champions Sports Academy.

Mu cyiciro cya kabiri cy'abagabo batarengeje ibilo 67 hatsinze Dushimwe Sharifu ukinira "The Champions Sports Academy" akurikirwa na Ndutiye Shyaka Roger ukinira The Great Warriors ndetse na Ishimwe Jean de Dieu ukinira The Champions Sports Academy.

Muri "Kumite" mu bagabo bari hagati y'imyaka 35 na 45 hatsinze Nkurunziza Jean Claude ukinira KESA, akurikirwa na Bitangumutwenzi Concord ukinira Mamaru Karate Do, Nsabimana Wellars ukinira Kamonyi Karate Kayenzi na Bicamumpaka Epaphrodite ukinira Seiken.

Muri iri rushanwa hashimiwe abatoza bagize uruhare mu gukora abakinnyi bagiye mu ikipe y'ighugu barimo Sinzi Tharcisse, Niragire Samuel, Bugabo Amir, Nkuranyabahizi Noël, Mwizerwa Dieudonné, Claret Antoine, Kumi Said na Gaga Didier.

Hashimiwe kandi bakinnyi babaye indashyikirwa mu bihe byashize harimo Twajamahoro Sylvestre (Kata), Munyeshyaka Vincent "Cyuma" (Kumite), Umohoza Aisha (Kata) na Ingabire Solange (Kumite).

Abarimu bashimiwe ko bateje Karate imbere kandi bakomeje gufasha uyu mukino harimo Sensei Sinzi Tharcisse, Sensei Master Rugeyo Rutinywa, Sensei Karamaga Barnabé na Sensei Dr. Ngabitsinze Jean Chrysostome.

Abandi bahawe ibihembo ni Umusifuzi Mwizerwa Dieudonné wateje imbere imisfurire akaba n'indashyikirwa mu gusifura ndetse n'Umutoza Nkuranyabahizi Noël. Mbabazi Gilbert, Ingabire Christine na Uwase Delphine bashimiwe uruhare rwabo mu gutegura no guhuza ibikorwa bya Karate mu Rwanda.





Website: [www.olympicrwanda.org](http://www.olympicrwanda.org)

[www.olympicrwanda.org/commonwealth](http://www.olympicrwanda.org/commonwealth)

Email: [cnosr@olympicrwanda.org](mailto:cnosr@olympicrwanda.org) | [Twitter](https://twitter.com/RwandaOlympic) [Facebook](https://facebook.com/RwandaOlympic) [Instagram](https://instagram.com/RwandaOlympic) [YouTube](https://youtube.com/RwandaOlympic) @RwandaOlympic

Address: Remera-Hallmark Center Building KG 17 Ave